

大明會典

大明會典卷之一百八十二 工部十二

營造

儀仗一

洪武二十六年定凡製造

皇帝。

皇太子。

親王。國簿車駕等項儀仗及修理者。除金銀器與
於

內府成造。其餘器仗。照數行下軍器等局。委官督
工計料。依式修造完備。進赴

鑾駕房收貯供用

軍器局造

戟

稍

節

角

鐸

刀盾

弓箭

小鼓

杖鼓

柶鼓

金鉦

骨朵

夾稍

樂人大鼓

營繕所造

清道御杖

交椅

脚踏

馬杌

頭管

戲竹

龍笛

笛

板

鉞工局造

金鼓旗

白澤旗

令旗

紅曲蓋

紫方傘

紅方傘

傳教旗

告止旗

絳引旗

紅團扇

青團扇

紅方扇

紅繡傘

紅銷金傘

儀鎗氅

戈氅

戟氅

信旗

幢

麾

寶源局造

香爐

香盒

交椅

脚踏

銀盆

水罐

鞍轡局造

拂子

鞍籠

誕馬錦鞍

巾帽局造

立爪

卧爪

鐙杖

響節

儀刀

吾杖

班劍

幢竿

及叉

斧

大駕鹵簿 洪武初是

肅旗一面黃質上闊七尺二寸下三尺二寸黑肅字硃漆攢竹竿長八尺二寸下有鐵積靖旗一面與肅旗制同但用靖字

金鼓旗一對黃質連腰闊一丈二尺五寸下七尺紅金鼓二字硃漆攢竹竿貼金木鎗頭通長一丈四尺九寸內鎗頭長一尺五寸八分上飾紅纓下有鐵積

金龍畫角二十四枝木質黑漆餞金為飾上節寶相花中節纏身單龍雲文下節八寶雙海

馬

鼓四十八面。木匡加紅油。冒以革。面徑一尺七寸。匡畫寶相花。面畫雙獅綵毬。

金四面。以銅為之。徑一尺七寸。

金鉦四面。銅質竹匡。用紅縵繫鉦于匡。鉦徑九寸五分。

杖鼓四箇。木匡。細腰。匡兩頭加黑漆。餞金雲龍文。鐵圈二。皆冒以革。附于匡。聯以紅絨縵。加銅龍頭鈎子。以青絨匾絛懸之。

笛四管。截竹為之。六竅。長一尺六寸。

板四串。鐵力木板。各六貫。以青絲組。各長一尺。

一寸。上闊一寸九分。下闊二寸五分。

白澤旗二面。一面紅質。上下并各邊加黃欄赤火燄間綵脚。傍竿加紅腰。綵織白澤飛狀。及雲文。旗上旁有素額。織白澤二青字。旗身黃欄火燄。長六尺六寸。闊二尺九寸。脚長五尺。揭以硃漆攢竹竿。貼金木鎗頭。通長一丈三尺六寸九分。內鎗頭長一尺三寸五分。飾以紅纓。積用鐵。一面青質。但白澤為走狀。餘同前制。後凡繡旗欄脚腰額并字色竿纓。積制皆同。惟黃旗北斗旗稍異。

門旗四對。紅質。中織金為門字。餘同白澤制。
黃旗四十面。黃質。上闊八尺。下四尺。硃漆攢竹
竿。貼金木鎗頭。共長一丈一尺三寸五分。內
鎗頭長一尺三寸五分。上飾紅纓。下有鐵積
金龍旗十二面。織金雲龍文。額織龍旗二字。自
此至兩旗皆青質。

日旗一面。織為日。紅色及日字。

月旗一面。織為月。白色及月字。

風旗一面。織箕星四。及風字。

雲旗一面。織五色雲文。及雲字。

雷旗一面。織雷文五及雷字。自此至北斗旗。

宿皆金織

兩旗一面。織畢星八附耳一星在旁。及兩字。白月。

木星旗一面。青質織木星。及木字。

火星旗一面。赤質織火星。及火字。

土星旗一面。黃質織土星。及土字。

金星旗一面。白質織金星。及金字。

水星旗一面。黑質織水星。及水字。

角宿旗一面。織角宿二。及角字。自此至軫宿旗。

皆青質

亢宿旗一面。織亢宿四。及亢字

氐宿旗一面。織氐宿四。及氐字

房宿旗一面。織房宿四。鈎連二小星在旁。及房

字

心宿旗一面。織心宿三。及心字

尾宿旗一面。織尾宿九。神官小星一。及尾字

箕宿旗一面。織箕宿四。及箕字

斗宿旗一面。織斗宿六。及斗字

牛宿旗一面。織牛宿六。及牛字

女宿旗一面，織女宿四及女字。

虛宿旗一面，織虛宿二及虛字。

危宿旗一面，織危宿三及危字。墳墓四星在下。

室宿旗一面，織室宿二及室字。離宮六星在旁。

壁宿旗一面，織壁宿二及壁字。

奎宿旗一面，織奎宿十及奎字。

婁宿旗一面，織婁宿三及婁字。

胃宿旗一面，織胃宿三及胃字。

昂宿旗一面，織昂宿七及昂字。

畢宿旗一面，織畢宿八及畢字。附耳一星在旁。

觜宿旗一面。織觜宿三。及觜字。

參宿旗一面。織參宿七。及參字。主井四小星在

左足下。伐三星在內。

井宿旗一面。織井宿八。及井字。鉞一星在旁。

鬼宿旗一面。織鬼宿四。及積屍氣。一井鬼字。

柳宿旗一面。織柳宿八。及柳字。

星宿旗一面。織星宿七。及星字。

張宿旗一面。織張宿六。及張字。

翼宿旗一面。織翼宿二十二。及翼字。

軫宿旗一面。織軫宿四。及軫字。長沙一星在中。

左右轄二星在旁

北斗旗一面黑質三邊黃欄黑腰火燄間綵脚
織北斗星七及北斗二字輔星一在旁

東嶽旗一面青質織綵為山形及東嶽二字自
此至熊旗山水及諸形皆綵織

南嶽旗一面赤質織山形及南嶽二字

中嶽旗一面黃質織山形及中嶽二字

西嶽旗一面白質織山形及西嶽二字

北嶽旗一面黑質織山形及北嶽二字

江旗一面赤質織水文及江字

河旗一面。白質織水文及河字。

淮旗一面。青質織水文及淮字。

濟旗一面。黑質織水文及濟字。

青龍旗一面。青質織青龍形雲文及青龍二字。

白虎旗一面。白質織白虎形雲文及白虎二字。

朱雀旗一面。赤質織朱雀形雲文及朱雀二字。

玄武旗一面。黑質織龜蛇形雲水文及玄武二

字。

天鹿旗一面。赤質織天鹿形雲文及天鹿二字。

天馬旗一面。赤質織天馬形雲文及天馬二字。

鸞旗一面。赤質織鸞形雲文及鸞字。

麟旗一面。赤質織麟形雲文及麟字。

熊旗一面。赤質織熊形雲文及熊字。

羆旗一面。赤質織羆形雲文及羆字。

紅纛一對。硃漆攢竹竿貼金木鎗頭共長一丈。

三尺九寸。內鎗頭長一尺六寸。徑一寸四分。

用鼈牛尾染紅簇為纛。上施抹金銀寶蓋。周。

圍窰珠絡。建于竿。下有鐵積。

皂纛一祀。與紅纛制同。但用黑鼈牛尾抹金銅。

寶蓋。

紅節一對。硃漆攢竹竿。抹金銀寶珠頭。用鼈牛
尾。染紅簇成如圓斗。太凡四層。每層上施抹
金銀頂。周圍綴瓷珠。絡建于竿。下有鐵積竿
長同紅漆。

小銅角二箇。長三尺八寸。加漆貼金。

大銅角二箇。長三尺六寸一分。加漆貼金。

纓頭一箇。硃漆攢竹竿。貼金木鎗頭。用鼈牛尾
染紅簇圓。上施抹金銀頂。建于竿。下有鐵積
共長一丈一尺四寸九分。內鎗頭一尺九寸
五分。

豹尾一箇。硃漆橫竹竿。貼金銅龍頭共長一丈三尺四寸九分。內龍頭長一尺一寸八分。下銜抹金銅頂藍斜皮雲蓋。垂貼金銅鈴十二箇。周圍窰珠串。懸紅黃綠三色鬚頭。中垂大豹尾長五尺。竿下有銅束。凡麾幢旛節等。挑竿銅龍頭俱以鐵為鈎。

弓矢一百副。弓用竹為體。木為拓靶。并梢置黑角于梢末。又用角為面。牛筋鋪背。四節纏以絲。加黑漆面。硃漆背。用黃蠟絞絲為絃。各用竹為幹。木為扣。加鐵箭頭。柳葉形。兩頭俱用。

牛筋并絲纏之。加硃漆。近扣處。加鴈羽。繫二。用黑斜皮為之。

御杖六十根。硃漆攢竹杖。銅裹兩頭。長四尺九寸。

誕馬二十四匹。紅轡黃韁。上施錦鞵。

領頭六對。硃漆攢竹杖。銅裹兩頭。長四尺九寸。黃麾一對。硃漆攢竹竿。貼金銅龍頭。共長一丈二尺五寸。內龍頭鈎一尺。銜抹金銅圈。懸抹金銅頂。四角紅羅寶蓋。高七寸五分。圍二尺七寸五分。蓋四角。加抹金銅龍頭。四箇懸絛。

一尺七寸五分

單戟三對。殊漆攢竹竿。貼金龍戟頭。共長八尺
寸九分。內戟頭長一尺九寸。

龍戟三對。制同單戟。但戟枝有龍頭。

班劍三對。刻木為劍。其上有靶。靶下有龍頭銜
劍。皆貼金為飾。垂紅絲紉錯。

吾杖三對。殊漆攢竹為杖。長六尺九寸五分。兩
頭貼金為飾。杖或以木為之。

立瓜三對。殊漆攢竹竿。刻木為瓜。立置于上。承
以龍頭。共長六尺九寸。內瓜及龍頭長一尺。

四寸貼金飾

卧爪三對制同立爪。但以爪卧置其上。承以龍頭。爪及龍頭長一尺二寸五分。

儀刀三對。刻木為刀鞘及靶。貼銀為地。貼金龍文為飾。垂紅絲紛鍔。

聖大。二貴。及公。并。十。年。有。未。滿。馬。鐙。承。以。龍。頭。貼金飾。置于竿首。共長六尺九寸。的鐙頭長一尺六寸。

金鉞三對。硃漆攢竹竿。刻木為斧形。承以龍頭。貼金飾。置于竿首。共長六尺九寸。內鉞頭長

一尺六寸五分

骨朵三對，硃漆攢竹竿，刻木為骨朵承，以龍頭貼金飾，置于竿首，共長六尺九寸。內骨朵頭長一尺六寸。

羽葆幢五對，硃漆攢竹竿，貼金銅龍頭，共長一丈二尺五寸五分。內龍頭鈎長一尺，銜抹金銅圈，加白羽。銅頂綠羅寶蓋，下以紅絲圓縹貫紅纓簇圓，凡五層。每層上施抹金銅頂蓋，緋皮雲蓋，懸銅鈴。

青龍幢一把，制同羽葆幢，但頂無白羽，有青紗。

衣龍之衣長七尺五寸闊一尺二寸金繡青龍雲文

白虎幢一把制同青龍幢但用白紗衣籠金繡白虎雲文

朱雀幢一把制同青龍幢但用紅紗衣籠金繡朱雀雲文

玄武幢一把制同青龍幢但用皂紗衣籠金繡龜蛇雲文

響節十二對貼金攢竹竿并鐵條共長一丈二寸五分內鐵條至頂長一尺二寸五分貫天

下太平錢六鐵錢六頂并下盤皆木質貼金
飾攀頂用絨線四條黃羅為衣籠之銷金升
龍文

金節三對硃漆攢竹竿貼金銅龍頭共長一丈
二尺五寸五分內龍頭鈎一尺銜抹金銅圈
并銅頂綠羅寶蓋以紅絲圓絛貫紅纓凡八
層每層上施抹金小銅頂藍斜皮雲蓋懸銅
鈴黃紗為衣籠之衣長七尺五寸闊一尺二
寸繡升龍四

方天戟十六對硃漆攢竹竿其上以木為戟承

以龍頭貼金飾。共長一丈二尺五寸五分。戟及龍頭長二尺五分。

戟方傘四把。傘骨面闊并頂五尺五寸。柄及貼金葫蘆頭共長一丈一尺五寸九分。冒以紫羅垂三簷。凡傘柄俱用竹加紅油。間纏以藤。惟曲柄傘。硃紅漆攢竹為之。

紅方傘四把。制同紫方傘。

紅曲柄繡傘四把。傘骨面闊并頂四尺二寸五分。柄及貼金葫蘆頭共長一丈十尺二寸九分。冒以紅羅繡綠雲垂三簷。上簷雲龍。下二

簷瑞草文。當曲柄處用鐵心。貼金龍頭承傘。
紅直柄華蓋繡傘四把。傘骨面闊并頂四尺七
寸五分。柄及貼金葫蘆頭共長一丈一尺二
寸九分。冒以紅羅。垂三簷。皆繡雲花文。

黃直柄繡傘四把。傘骨面闊并頂四尺二寸五
分。柄及貼金葫蘆頭共長一丈一尺二寸九
分。冒以紅羅。繡綵雲文。垂三簷。雲龍文。

紅直柄繡傘四把。冒以紅羅。繡綵雲文。垂三簷。
瑞草文。餘同黃直柄繡傘。

黃曲柄繡傘二把。抹金銀鈴全。傘骨面闊并頂

五尺一寸五分。柄及貼金葫蘆頭共長一丈二尺一寸九分。冒以黃羅繡綵雲文。垂三簷。雲龍文。當曲柄處用鐵心貼金龍頭承傘。

青銷金傘三把。傘骨面闊并頂五尺一寸五分。柄及貼金葫蘆頭共長一丈二尺一寸九分。冒以青羅。銷金雲文。垂三簷。雲龍香草文。紅銷金傘三把。冒以紅羅。垂三簷。餘同青銷金傘。

黃銷金傘三把。冒以黃羅。垂三簷。餘同青銷金

傘

白銷金傘三把。冒以白羅。垂三簷。餘同青銷金傘。

黑銷金傘三把。冒以黑羅。垂三簷。餘同青銷金傘。

黃油絹銷金兩傘一把。傘骨面闊并頂七尺八寸。柄及貼金葫蘆共長九尺二寸九分。面銷金寶珠龍文。邊如意龍文。

紅繡花扇十二把。扇及柄共高一丈一尺二寸。內扇圓徑三尺三寸五分。面背風衣俱用大紅羅。面繡四季花。背銷金龍團花文。柄用攢

竹加硃漆

紅繡雉方扇十二把。扇及柄共高一丈一尺二寸。內扇連黑漆板高三尺五寸二分。板高五寸。扇下闊一尺四寸五分。中闊二尺六寸五分。大紅羅面。繡鸞鳳花文。青羅背銷金寶珠花面。風衣。白羅繡雉尾邊。背風衣。青素羅。板戲金雲文。扇柄用攢竹加黑漆。

紅單龍扇一十把。扇及柄共高一丈一尺二寸。內扇連黑漆板高三尺三寸九分。面背皆大紅羅。面繡單龍雲文。背銷金龍圓花文。

黃單龍扇一十把扇及柄共高一丈一尺二寸
內扇圓徑三尺三寸五分而背皆黃羅面繡
單雲龍文背銷金龍團花文

紅雙龍扇二十把扇及柄共高一丈一尺二寸
內扇圓徑三尺三寸九分而背皆大紅羅面
繡雙龍雲文背銷金龍團花文

黃雙龍扇二十把扇及柄共高一丈一尺二寸
內扇圓徑三尺三寸五分而背皆黃羅面繡
雙龍雲文背銷金龍團花文

紅素扇二十把扇及柄共高九尺六寸內扇圓

徑三尺四寸。面背皆紅羅

黃素扇二十把。扇及柄共高九尺六寸。內扇圓
徑三尺四寸。面背皆黃羅

黃羅銷金九龍傘一把。與前黃銷金傘制同
壽扇二把。與前黃羅雙龍扇制同

黃羅曲柄繡九龍傘一把。與前黃曲柄傘制同
常制用

鳴鞭四條。以黃絲為鞭梢。漬以蠟。柄用龍頭木
質貼金為飾

金馬杙一箇。木質。金葉裏。金釘裝釘。釵盤龍雲

文

金交椅一把。木質金葉裏。金釘裝釘。椅中銀花
升龍雲文。穿以黃絲匾額。四掛黃絲。枌鎔黃
織金紵絲襦襦。

金脚踏一箇。木質金葉裏。金釘裝釘。銀方勝花
文。黃織金紵絲踏襪。

金水盆一箇。黃金為盆中。銀盤龍雲文。邊銀香
草文。西洋布手巾一條。

金水罐一箇。黃金為之。有蓋有提。小口巨腹。純
素質。不加飾。

金香爐一箇。黃金為之。有蓋有繫。兩耳。三足。爐
釵雲龍文。以硃漆竿舉之。竿首抹金銅龍頭。
其下龍尾。

金香盒一箇。黃金為之。蓋釵龍文。邊釵香草文。
金唾盂一箇。黃金為之。形圓如缶。蓋僅掩口。下

有盤釵龍文。

洪武間侍造

金唾壺一箇。黃金為之。小口。巨腹。有蓋。釵龍文。

洪武間侍造

拂子四把。以紅絲拂為心。上以素氈牛尾籠之。
抹金銅龍首。硃漆木柄。戲金雲龍花文。垂黃

絲帔鍔。今拂用馬尾心。用紅纓。

紅紗燈籠六對。紅油竹燈骨。銅燭盤。外以紅紗蒙之。硃漆竿。竿首貼金龍頭。其下龍尾。竿頭帶黃熟銅鈎。垂玉色紗罩之。

紅油紙燈籠三對。紅油竹骨。下有燭盤木座。以竹絲編為籠。加紅油紙。竿同紅紗燈。

魷燈三對。制同紅紙燈。但用魷魚之鐵為燈骨。仗馬六匹。紅鞦轡。上施鞍轡。領下垂綠蓋。紅纓飾。瓷珠絡。

鍍金銅玲瓏香爐一箇。制同金香爐。

寶匣一座。木質。硃紅漆。匣蓋頂并四面。戩金雲龍文。座戩金仰覆蓮花并香草文。

硃紅漆馬杓子四箇。

鞍籠二。皮質。硃紅油飾。描金升降龍文。邊描香草上。施抹金銅蓋頂飾紅纓。又平頂鞍籠。制同。惟無銅蓋紅纓。

黃帳房一座。用黃木綿布帳并幃幕上。施獸吻。硃紅漆柱并杖竿竿首綵粧蹲獅頂用氈。

大輅一乘。高一丈三尺九寸五分。闊八尺二寸。

五分。

轆上平盤前後車樞并馬翅及四垂如意文
珠板其下轆二條皆硃紅漆各長二丈二尺
九寸五分鍍金銅龍頭龍尾龍鱗葉片裝釘
前施硃紅油象搭攀皮一條平盤下方箱四
面硃紅漆店各十有二幅內飾綠地描金繪
獸六麟獅犀象夫馬天鹿禽六鸞鳳孔雀朱
雀雉鶴盤左右下有護泥板及車輪二貫軸
一每輪輻十有八條周圍輞全皆硃紅漆抹
金銅釵花葉片裝釘輪內車心各一用抹金
銅釵蓮花辨輪盤裝釘軸首左右各用漆貼

金減鐵龍頭。挿拴一箇。以抹金銅釵龍頂管。
心裝釘。軸中纏黃絨。駕轆等索。面至地。四尺。
一寸五分。

輅亭高六尺七寸九分。四柱長五尺八寸四分。
檻座高九寸五分。皆硃紅漆。前二柱戲金。
柱首實相花。中雲龍文。下纏文錦。間高五尺。
一寸九分。闊二尺四寸九分。左右門各闊二
尺二寸五分。其上四周粧雕木沉香色描金。
香草板十二片。前并左右各硃紅漆。欄二扇。
明欂。金以抹金銅釵花葉片裝釘。欄編黃線。

繚穿後硃紅漆屏風上。雕沉香色描金雲龍
五。上硃紅漆板。戲金雲龍一。屏後俱沉香色
地。上四榻。雕描金雲龍四。其次雲板如其數。
下三榻。雕描金雲龍三。其次雲板亦如之。俱
抹金銅鈸花葉片裝釘。其內編黃線繚穿硃
紅漆。匡軟座黃絨墜座大索四條。座下蓮花
墜石。軟座上施花毯。大紅錦褥并席。硃紅漆
坐椅一座。其上靠背雕以沉香色描金雲龍
一。下雕雲板一片。硃紅漆福壽板一。并褥椅
中。黃織金綺靠坐褥。四圍椅裙全。周圍施黃

綺幃幔

或川黃線羅

亭外用青綺緣邊硃紅簾一

十扇各用拽簾黃線圓縹二條黃銅圈全

輅頂并圓盤高三尺一分又鍍金銅蹲龍頂

帶仰覆蓮座高一尺二寸九分垂攀頂黃線

圓縹四條盤高一寸九分上以硃紅漆其下

外四面沉香色地描金雲內四角青地繪五

彩雲以青飾輅蓋亭內周圍貼金斗拱承硃

紅漆臣寶蓋闌以八頂冒以黃綺謂之黃屋

頂心并周圍繡五彩雲龍九

天輪三層皆硃紅漆上安雕木貼金邊耀葉

板八十一片。內綠地雕木貼金雲龍文三層。間繪五彩雲襯板八十一片。盤下周圍黃銅釘裝。上施黃絳瀝水三層。每層八十一摺。間繡五彩雲龍文。四角垂青絳絡帶四條。各繡五彩雲升龍三。圓盤四角連輅坐板。用攀頂黃線圓絛四條。并貼金木魚。

輅亭前有左右轉角闌干二扇。後一字帶左右轉角闌干一扇。皆硃紅漆。內嵌雕木貼金龍。間以五彩雲。三扇計一十二柱。各柱首雕木貼金蹲龍一。及線金五彩粧蓮花抱柱。闌

十內四周布花毯

太常旗二面。在輅亭後左右。用黃線羅夾為旗。每面十有二旂。每旂內外繡升龍一。硃紅漆攢竹旗竿二。左竿旗腰繡日月北斗。竿首用鍍金銅龍頭。右竿旗腰繡黻字。竿首用鍍金銅戟。每竿綴抹金銅鈴二。垂紅纓十有二。纓上施抹金銅寶蓋。下垂青線帔。踏梯一。硃紅漆。以抹金銅釵花葉片裝釘。行馬架二。硃紅漆。其上黃絨匾額。用抹金銅葉片裝釘。鐵搭鈎全。

黃絹憶衣即遮塵油絹雨衣并青氎衣各一座

硃紅油合扇梯一副硃紅油拓叉一件
抹金銅寶瓶并象鞍鞦轡籠各二副

王輅一乘高一丈三尺九寸五分闊八尺二寸五分

輅上平盤前後車櫺并鴈翅及四垂如意滴珠板其下轆二條皆硃紅漆各長二丈二尺九寸五分鍍金銅龍頭龍尾龍鱗葉片裝釘前施硃紅油象搭攀皮一條平盤左右下護

泥板及車輪二貫軸一。每輪輻十有八條皆
硃紅漆周圍輞金各以抹金銅釵花葉片裝
釘輪內車心各一。用抹金銅釵蓮花瓣輪盤
裝釵軸首左右各用漆貼金減鐵龍頭挿拴
一箇以抹金銅釵龍頂管心裝釘軸中。纏黃
絨駕轆等索面至地四尺一寸五分

輅亭高六尺七寸九分。硃紅漆四柱各長五
尺八寸四分。前二柱有搏換貼金升龍檻座
高九寸五分。門高五尺一寸九分。闊二尺四
寸九分。左右門闊一尺二寸五分。其上四層

粧雕木沉香色描金香草板十二片。前并左
右各硃紅漆。榻二扇。明欵全。俱以抹金銅釵
花葉片裝釘。榻編黃線縹穿後。硃紅漆屏風
上雕沉香色描金雲龍五。屏後下二榻雕木
沉香色描金雲龍三。下雕雲板如其數。俱抹
金銅釵花葉片裝釘。亭內編黃線縹穿硃紅
漆匡。軟座黃絨垂座大索四條。座下蓮花墜
石。軟座上施花毯。大紅錦褥并席。硃紅漆坐
椅一座。其上靠背雕以沉香色描金雲龍一
下。雕雲板一片。硃紅漆福壽板一。并褥椅中

黃織金綺靠坐褥四圍拊裙全。周圍施黃綺

幃幔

或片黃線罩

亭外青綺緣邊硃紅簾一十扇

各用拽簾黃線圓條二條黃銅圈全

輅頂并圓盤高三尺一分。又鍍金銅蹲龍頂帶仰覆蓮座高一尺二寸九分。乘攀頂黃線圓條四條。盤一寸九分。上以硃紅漆。其下外四面沉香色地描金雲。內四角青地繪五彩雲。以青飾輅蓋。亭內周圍貼金斗拱承硃紅漆。漆寶蓋。闕以八頂。冒以黃綺。謂之黃屋。頂心并周圍繡五彩雲龍九

天輪三層。皆硃紅漆。上安雕木貼金邊耀葉板。八十一片。內青地雕木鈿玉色雲龍文。三層間繪五彩雲襯板八十一片。盤下周圍黃銅釘裝上施黃綺瀝水三層每層八十一摺。間繡五彩雲龍文。四角垂青綺絡帶四條。各繡五彩雲升龍二。圓盤四角連輅座板用黃線繫絲四條。并貼金木魚。

輅亭前有左右轉角闌干二扇。後一字帶左右轉角闌干一扇。皆硃紅漆。內嵌雕木貼金龍。間以五彩雲。三扇計一十二柱。各柱首雕

木貼金躡龍一。及線金五彩粧蓮花抱柱。開
干內。四周布花毯。

太常旗二面。在輅亭後左右。用黃線羅夾馬
旗。每面十有二旂。每旂內外繡升龍一。硃紅
漆攢竹旗竿二。左竿旗腰繡日月北斗。竿首
用鍍金銅龍頭。右竿旗腰繡敝字。竿首用鍍
金銅戟。每竿綴抹金銅鈴二。垂紅纓十有二。
纓上施抹金銅寶蓋。下垂青線帔鎔
踏梯一。硃紅漆。以抹金銅釵花葉片裝釘。
行馬架二。硃紅漆。其上黃絨匾額。用抹金銅。

葉片裝釘鐵搭鈎全

黃羅幘衣即遮塵油絹雨衣并青氊衣各一座

硃紅油合扇梯一副硃紅油拓叉一件

抹金銅寶瓶并象鞍鞦韆籠各二副

大馬輦一乘高一丈二尺五寸九分闊八尺九寸五分

輦上平盤板前後車櫺并鴈翅及四垂如意滴珠板其下棘三條皆硃紅漆各長二丈五寸九分用鍍金銅龍頭龍尾龍鱗葉片裝釘

前施硃紅油馬搭攀皮一條。平盤左右下。護泥板及車輪二。貫軸一。每輪輻十有八條。皆硃紅漆。周圍輞金。各以抹金釵花銅葉片裝釘。輪內車心各一。用抹金銅釵蓮花瓣輪盤裝釘。軸首左右各用漆貼金。減鐵龍頭挿拴一箇。以抹金銅釵龍頂管心裝釘。軸中纏黃絨。駕轆等索。面至地。三尺四寸五分。

輦亭高六尺四寸九分。硃紅漆。四柱各長五尺五寸四分。檻座高九寸五分。其上四周硃紅漆。絛環板門高五尺九分。闊二尺四寸五

分。左右門闊二尺二寸五分。前并左右各榻
二扇。後榻三扇。明欵全。皆硃紅漆抹金銅釵
花葉片裝釘。榻心編黃線。繚穿。亭內編黃線
繚穿。硃紅漆匡。軟座黃絨墜座大索四條。座
下蓮花墜石。軟座上施紅毯。紅錦褥并席。硃
紅漆坐椅一座。其上靠背雕沉香色描金雲
龍。一下雕雲板一片。硃紅漆福壽板一。并褥。
椅中黃織金綺靠坐褥。四圍椅裙全。周圍施
黃綺幃幔。或用黃
線羅亭外用青綺緣邊。硃紅簾
一十二扇。各用拽簾圓繚二條。黃銅圈全。

輦頂并圓盤高二尺六寸五分。又鍍金銅蹲龍頂帶仰覆蓮座高一尺二寸九分。垂攀頂黃線圓綵四條。盤上下俱硃紅漆以青飾輦蓋。內寶蓋硃紅漆木匡闌以八頂冒以黃綺。謂之黃屋頂心。并周圍繡五彩雲龍九

天輪三層。皆硃紅漆。上安雕木貼金邊耀葉板計八十一片。內飾綠地雕木貼金雲龍文。三層間繪五彩雲襯板八十一片。盤下周圍黃銅釘裝。上施黃綺瀝水三層。每層八十一摺。間繡五彩雲龍文。四角垂青綺絡帶四條。

各繡五彩雲升龍三圓盤四角連輦座板用
攀頂黃線圓絛四條并貼金木魚

輦亭前一字闌干一扇後一字帶轉角闌干
一扇左右闌干二扇內嵌絛環板皆硃紅漆
四扇計一十四柱各柱首雕木貼金蹲龍一
用線金五彩粧蓮花抱柱前闌干內布紅毯

太常旗二面在輦亭後左右用黃線羅夾為
旗每面十有二旂每旂內外繡升龍一硃紅
漆攢竹旗竿二左竿旗腰繡日月北斗竿首

用鍍金銅龍頭。右竿旗腰繡黻字。竿首用鍍金銅戟每竿。綴抹金銅鈴二。垂紅纓十有二。纓上施抹金銅寶蓋。垂青線帨踏

踏梯一。硃紅漆以抹金銅釵花葉片裝釘

行馬架三。硃紅漆其上黃線匾額用抹金銅葉片裝釘。鐵搭鈎全

黃絹幘衣即遮塵。油絹雨衣并青氈衣各一座

硃紅油合扇梯一副。硃紅油拓叉一件

馬鞍。韉。鞦。轡。鈴。纓。全

小馬輦一乘。高一丈一尺五寸九分。闊七尺九寸五分。

輦上平盤前後車櫺并鴈翅及四垂板其下轆二條皆硃紅漆。轆各長一丈九尺五分。用鍍金銅龍頭龍尾龍鱗葉片裝釘。前施硃紅油馬搭攀皮一條。平盤左右下護泥板及車輪二貫軸一。每輪輻十有八條皆硃紅漆。周圍輞全。各以抹金釵花銅葉片裝釘。輪內車心各一。用抹金銅釵蓮花瓣輪盤裝釘。軸首左右各用漆貼金減鐵龍頭獅拴一箇。以抹

金銅釵龍頂管心葢釘軸中纏黃絨駕轅等索面至地三尺四寸五分

輦亭高五尺五寸九分。硃紅漆四柱各長五尺四寸五分。檻高一寸四分。其上四圍硃紅漆條環板。門高五尺。闊二尺二寸五分。左右門闊二尺一寸九分。前并左右各硃紅漆桶二扇。明欵全。抹金銅釵花葉片裝釘。桶心編黃絲絛穿。後硃紅漆屏風壁板。周圍俱用抹金銅釵花葉片裝釘。亭底硃紅漆板上施紅花毯。紅錦褥并席。硃紅漆坐椅一座。其上素

四條。中二條各長三丈五尺九寸。左右二條各長二丈九尺五寸九分。每轅以鍍金銅龍頭龍尾裝釘。

輦亭高六尺三寸九分。四柱各長六尺二寸五分。檻高一寸四分。卧硃紅漆。其上四圍雕木沉香色描金香草板十二片。抹金銅釵花葉片裝釘。闊高五尺七寸九分。闊二尺四寸五分。左右二門闊二尺三寸五分。前并左右各硃紅漆十字榻二扇。雕飾沉香色描金雲龍板八片。其下雲板如其數。後硃紅漆屏風

上雕沉香色描金雲龍五屏後雕沉香色描
金雲龍板三片。又雲板如其數俱用抹金銅
釵花葉片裝釘。亭內施紅花毯大紅錦褥并
席。硃紅漆坐椅一座。其上靠背雕以沉香色
描金雲龍一。下雕雲板一片。硃紅漆福壽板
一。并褥椅中黃織金綺靠坐褥。四圍椅裙全
周圍施黃綺幃幔。或用黃線羅亭外用青綺緣邊
硃紅簾一十扇。各用拽簾黃線圓絲二條黃
銅圈全

輦頂并圓盤高二尺六寸一分。又鍍金銅蹲

龍頂帶仰覆蓮座。高一尺二寸九分。垂拳頂黃線圓綵四條。盤上下。硃紅漆。以青飾輦蓋內。硃紅漆。以八頂冒以黃綺。謂之黃屋。頂心。并周圍繡五彩雲龍九

天輪三層。皆硃紅漆。上安雕木貼金邊耀葉板八十一片。內飾以綠地。貼金雲龍文。三層間繪五彩雲襯板八十一片。盤下周圍黃銅釘裝。上施黃綺瀝水三層。每層八十一摺。間繡五彩雲龍文。四角垂青素綺絡帶四條。各繡五彩雲升龍二。圓盤四角蓮輦座板。用攀

頂黃線圓條四條并貼金木魚

輦亭前有硃紅漆左右轉角闌干二扇。後一
字帶左右轉角闌干一扇。各嵌雕木貼金龍
間以五彩雲。三扇計一十二柱。柱首各雕木
貼金蹲龍一。用線金五彩粧蓮花抱柱。闌干
內四周布紅花毯

踏梯一。硃紅漆。以抹金銅釵花葉片裝釘
硃紅油合扇梯一副。硃紅油拓叉一件

黃絹懷衣即遮塵。油絹雨衣并氈衣各一座
大涼步輦一乘。高一丈二尺五寸九分

輦座硃紅漆座板并四面硃紅漆匡粧青地
雕木五彩雲粧板二十片間以貼金仰覆蓮
座其下硃紅漆如意絛環板如其數座下硃
紅漆轆六條中二條各長四丈三尺五寸九
分左右二條各長四丈九分左右二邊二條
各長三丈六尺五寸九分前後俱飾以雕木
漆貼金龍頭龍尾座高三尺二寸五分方闊
一丈二尺五寸九分

輦亭高六尺五寸九分闊八尺五寸九分四
柱以硃紅漆門高五尺八寸九分闊二尺五

寸九分左右二間闊同。其上四周沉香色描
金香草板十二片。前并左右各有榻二扇。後
榻三扇。明欵全。皆硃紅漆通編黃線條穿。輦
板上施墊氈。加紅錦褥并席。硃紅漆坐椅一
座。坐下四面雕木沉香色描金寶相花。其上
靠背雕沉香色描金雲龍一。下雕雲板一片。
硃紅漆福壽板一。并褥椅中黃織金綺靠坐
褥。四圍椅裙全。周圍施黃綺幃幔。或用黃
線羅內
設硃紅漆卓二隻。硃紅漆闌干香卓一座。闌
干四柱各柱首雕木貼金蹲龍一。銅金銅龍

蓋香爐。并香匙箸。瓶。內設大紅錦墩一對。
亭外青綺緣邊。硃紅簾三扇。各用棧簾黃線
圓絛二條黃銅圈全

輦頂高二尺七寸五分。又鍍金銅寶珠頂。帶
仰覆蓮座高一尺三寸二分。垂攀頂黃線圓
絛四條。頂用硃紅漆。上冒紅氊。四垂。以黃氊
為如意雲黃氊緣條。周圍施黃綺瀝水三層。
每層一百三十二摺。間繡五彩雲龍文。或用
大紅羅冒頂。用黃羅為如意雲緣條瀝水。亦
用黃羅。頂下周圍。以紅氊為幃。黃氊緣條。四

角。鍍金銅雲四朵。亭內寶蓋繡五龍頂。以硃紅漆木匡冒以黃綺。謂之黃屋。頂心并四圍繡雲龍各一。輦亭四角至輦座用攀頂黃線圓絛四條并貼金木魚。

輦亭前左右硃紅漆轉角闌干二扇後一字帶轉角闌干一扇。皆雕木渾貼金龍間以五彩粧雲板。三扇計一十二柱。各柱首雕木貼金蹲龍。用線金五彩粧蓮花抱柱。闌干內四周布席。

踏梯一。硃紅漆。以抹金銅鈸花葉片裝釘。

硃紅油合扇梯一副硃紅油拓叉一件

黃絹懷衣即遮塵油絹雨衣并禮衣各一座

紅板轎一乘高六尺九寸五分轎頂高一尺六

寸五分外紅漆近頂裝圓匡蚰殼窻在上鍍

金銅火燄寶珠帶仰覆蓮座高六寸九分四

角鍍金銅雲朵轎扛二條前後以鍍金銅龍

頭龍尾裝釘黃絨墜角索全四圍硃紅漆板

左右門二扇高四尺五寸九分用鍍金銅釘

鉸事件轎內硃紅漆坐椅一座福壽板一并

褥椅內黃織金綺靠坐褥四圍椅裙全下鋪

席并踏褥。黃絹轎衣并油絹雨衣各一座。又
青袍衣座。紅袍緣條雲子全

大明會典卷之一百八十三

工部三

營造三

儀仗三

皇后鹵簿

紅杖一對。硃漆攢竹為杖。銅裹兩末。長四尺九寸。

清道旗一對。純青質。硃漆攢竹竿。貼金木鎗頭。共長一丈二尺五寸。內鎗頭長一尺七寸。銅東。

黃麾一對。硃漆攢竹竿。貼金銅鳳頭。共長一丈。

二尺五寸。內鳳頭并鈎一尺。銜抹金銅頂。大紅羅幡長六尺三寸。闊五寸五分。內青額。金書黃麾二字。四角紅羅蓋。高七寸五分。圓二尺七寸五分。四角加抹金銅鳳頭四箇。絨線繫抹金銅佩。一十六箇。銅鈴三十六箇。寶蓋下。綠羅腰。黃羅三簷飾。銷金雲鳳文。旒用描金鸞鳳文。下綴五色板。凡麾轡。幡節等挑竿。銅鳳頭俱以鐵為鈎。

絳引旛三對。硃漆攢竹竿。貼金銅鳳頭共長一丈二尺五寸。內鳳頭鈎一尺。旛用五色羅長

六尺三寸闊五寸五分。四角寶蓋高七寸五分。分圍二尺七寸五分。綠腰紮三簷。銷金雲鳳文。共長一尺九寸。抹金鳳頭四箇。抹金銅佩一十六箇。其蓋上有抹金銅頂釵花文。幡下垂五色板銅佩間銅鈴三十六箇。

傳教幡二對。與絳引幡制同。惟三簷用綠。垂紅羅。幡中有黃額。內青傳教二字。四垂絨線繫抹金銅佩四。銅鈴三十二。

告止幡二對。與傳教制同。惟三簷用青。黃額內青告止二字。

信幡二對。與傳教幡制同。惟三簷用黃額。內青信字。

龍頭竿五對。硃紅攢竹竿。貼金竿頭。共長一丈二尺五寸。內竿頭二尺五分。幡用青羅長六尺三寸。闊五寸五分。幡下銅鈴五箇。紅蓋高七寸五分。圍二尺七寸五分。繫腰紅三簷。共長一尺九寸。抹金銅鳳頭五箇。下垂絨線。繫抹金銅佩十箇。銅鈴一十五箇。簷用銷金雲鳳文。幡上節描銀。下節描金。俱香草文。中節描金孔雀文。其蓋五角。上施抹金銅頂。鈹花。

文

儀鎗氅五對。硃漆攢竹竿貼金儀鎗共長一丈二尺五寸五分。內儀鎗并竿頭長一尺三寸五分。抹金銅頂垂五色羅氅長六尺三寸闊五寸五分。下有銅鈴五箇。

戈氅五對。硃漆攢竹竿貼金木龍頭承戈共長一丈二尺五寸。內龍頭長一尺六寸二分。繫木板粉面畫升降雙鳥綴五色羅氅長六尺三寸闊五寸五分。末綴銅鈴五箇。

戟氅五對。與戈氅制同。惟貼金木龍頭承戟長

一尺七寸五分

吾杖三對。硃漆攢竹杖。貼金兩末。長六尺九寸五分。

立瓜三對。硃漆攢竹柄。貼金立瓜。置其首。承以貼金龍頭。共長六尺九寸。內瓜及龍頭長一尺四寸。

卧瓜三對。與立瓜制同。但瓜卧置其首。瓜及龍頭長一尺二寸五分。

儀刀三對。刻木為刀。鞘及靶。貼銀為地。貼金鳳文為飾。垂紅絲紉錯。

班劍三對。刻木為劍。其上有靶。靶下有龍頭。銜劍。皆貼金為飾。垂紅絲。紛錯。

鐙杖三對。硃漆攢竹柄。貼金木。鐙置其首。承以貼金龍頭。共長六尺九寸。內鐙并龍頭。一尺六寸。

金錢三對。硃漆攢竹柄。貼金木。斧形。置其首。承以貼金龍頭。共長六尺九寸。內金錢并龍頭。長一尺六寸五分。

骨朵三對。硃漆攢竹柄。貼金木。骨朵置其首。承以貼金龍頭。共長六尺九寸。內骨朵并龍頭。

長一尺六寸

響節六對。貼金攢竹柄長一丈二寸五分。以鐵條長一尺二寸五分貫銅鐵錢十二置其上。黃羅為衣籠之。長一尺五寸。銷金雲鳳文。節頂以木為之。貼金飾。錢文曰天下太平。

羽葆幢二對。硃漆攢竹竿。貼金銅鳳頭。共長一丈二尺五寸五分。內鳳頭鈎長一尺。銜抹金銅索并圓頂。綴白鳥羽。綠羅蓋。簇漆紅氍牛尾。凡五層繫而垂之。每層上施抹金銅頂。綠斜文雲蓋。下懸銅鈴。

紫方傘二把。傘骨面闊并頂五尺五寸。柄及貼金木葫蘆共長一丈一尺五寸九分。其面冒以紫羅。垂紫三簷。傘頂四角抹金銅鳳頭。凡傘柄俱用竹。加紅油間纏以藤。惟曲柄傘。硃紅漆攢竹為之。

紅方傘二把。傘骨面闊并頂五尺五寸。柄及貼金木葫蘆共長一丈一尺五寸九分。其面冒以紅羅。垂紅三簷。傘頂四角抹金銅鳳頭。黃銷金傘一把。傘骨面闊并頂四尺二寸五分。柄及貼金木葫蘆共長一丈一尺二寸九分。

其面冒以黃羅。銷金雲文。垂黃三簷。銷金雲鳳文。

黃繡曲柄傘二把。傘骨面闊并頂四尺二寸五分。柄及貼金木葫蘆共長一丈一尺二寸九分。其面冒以黃羅繡雲文。垂黃三簷繡雲鳳文。當曲柄處用鐵心。貼金龍頭承傘。

紅繡傘一把。傘骨面闊并頂四尺二寸五分。柄及貼金木葫蘆共長一丈一尺二寸九分。其面冒以紅羅繡雲文。垂紅三簷。上簷雲鳳。下二簷瑞草文。

紅素圓傘二把。傘骨面闊并頂四尺二寸五分。柄及貼金木葫蘆共長一丈一尺二寸九分。其面冒以紅羅。垂紅三簷。

紅繡雉方扇六把。扇及柄共高一丈一尺二寸。內扇連黑漆板高三尺五寸二分。板高五寸。扇下闊二尺四寸五分。中闊二尺六寸五分。面用紅羅繡鸞鳳花文。背用青羅銷金團花文。面風衣白羅繡雉尾。背風衣用青素羅。板戲金雲文。扇柄用攢竹。加黑漆。青方扇同。紅繡花圓扇六把。扇及柄共高一丈一尺二寸。

內扇圓徑三尺三寸五分。面用紅羅繡四季花。背用紅羅銷金團鳳文。風衣俱用紅素羅。扇柄用攢竹。加硃漆。紅黃素扇柄同。

青繡方扇六把。扇及柄共高一丈一尺二寸。扇高二尺九寸五分。闊二尺五寸五分。面背俱用青線羅。邊用孔雀尾面繡鸞鳳花文。背銷金團花文。

紅羅素圓扇六對。扇及柄共高一丈一尺二寸。內扇圓徑三尺三寸五分。面背風衣俱用紅羅。

黃羅素圓扇六對。扇及柄共高一丈一尺二寸。
內扇圓徑三尺三寸五分。面背風承俱用黃
羅。

拂子二把。以紅纓為心。素麈牛尾籠之。黑漆柄。
垂紅絲紉錯。今用馬尾為拂心。用紅纓。

紅紗燈籠二對。硃油竹燈骨。下有燭盤。外以紅
紗蒙之。王色紗為蓋。硃漆竿。舉之竿首貼金
木鳳頭。其下鳳尾。

紅油紙燈籠一對。硃油竹燈骨。下有木座。以竹
絲為籠。加紅油紙。硃漆竿。加貼金木鳳頭并

尾

鮫燈一對。用鮫為之。竿同紅紙燈。硃油鐵燈骨。
下有木座。

金交椅一把。木質金葉裏金釘裝釘。中鈹雲鳳
文。穿以黃絲匾緣。四垂黃絲帔。錯黃織金紵
絲襦褙。

金脚踏一箇。木質金葉裏金釘裝釘。鈹方勝花
文。黃織金紵絲踏襪。

金水盆一箇。黃金為之。中鈹雲鳳文。邊鈹香草
文。西洋布手巾一條。

金水罐一箇。黃金為之。有蓋有提。小口巨腹。

金香爐一箇。黃金為之。爐釵雲鳳文。以硃紅漆。

竿舉之。竿首抹金銅鳳頭。其下鳳尾。

金香盒一箇。黃金為之。蓋釵鳳文。邊釵香草文。

金唾盂一箇。黃金為之。形圓如缶。蓋僅掩口。下

有盤。釵鳳文。洪武間停造

金唾壺一箇。黃金為之。小口巨腹。有蓋。釵鳳文。

洪武間停造

行障二葉。紅素綾為之。澀水繪瑞草。障繪升降

鸞鳳并雲文。

坐障一葉。紅素綾爲之。頂繪雲文。障繪升降。鳳并雲文。

輅一乘。高一丈一尺三寸四分。

輅上平盤板前後車櫺。并鴈翅。四垂如意。滿珠板。其下轆三條。皆硃紅漆。轆各長一丈九尺六寸。用抹金銅鳳頭。鳳尾。鳳翎。葉片裝釘。前施硃紅馬搭攀皮一條。平盤左右下護泥板。及車輪二。貫軸一。每輪輻十有八條。皆硃紅漆。周圍輞金。各以抹金釵花銅葉片裝釘。輪內車轂各一。用抹金銅釵蓮花瓣輪盤裝。

釘軸首左右各用紅漆鐵挿拴一箇。以抹金銅釵鳳頂管心裝釘。軸中纏黃絨駕轅等索。輅亭高五尺八寸六分。硃紅漆。四柱各長五尺一寸。檻座高六寸六分。其上沉香色描金香草板十二片。門高四尺五寸六分。闊二尺四寸。左右門闊二尺二寸。前并左右各上明下暗沉香色線金菱花櫺二扇。下絳環板。明杌全抹金銅釵花葉片裝釘。後硃紅漆五山屏風。戲金鸞鳳雲文屏上。硃紅漆板戲金雲文。中裝雕木渾貼金鳳一。屏後硃紅漆板俱

用抹金銅釵花葉片裝釘。亭底硃紅漆板。上施紅花毯。紅錦褥并席。硃紅漆坐椅一座。靠背雕木線金五彩粧鳳一。上下香草雲板各一。硃紅漆福壽板一。并褥。椅中黃織金綺靠坐褥。四圍椅裙全。周圍施黃綺幃幔。或用黃線亭外用青綺緣邊硃紅簾十二扇。各用棧簾黃線圓絛二條。黃銅圈全。前二柱俱戲金。其上寶相花。中鸞鳳雲文。下龜文錦。

輅頂并圓盤高二尺八分。抹金銅立鳳頂帶。仰覆蓮座。高九寸六分。垂攀頂黃線圓絛四。

條盤上。硃紅漆。盤下外四周沉香色。描金雲文。其內青地。五彩雲文。以青飾輅蓋。內寶蓋硃紅漆。匡闌以八頂。冒以黃綺。頂心并周圍繡鸞鳳九并五彩雲文。

天輪三層。硃紅漆。上安雕木貼金遶耀葉板七十二片。內飾青地。雕木五彩雲鸞鳳文。三層間繪五彩雲襯板七十二片。盤下周圍黃銅釘裝。上施黃綺。漚水三層。每層八十一摺。間繡鸞鳳文。四垂青綺絡帶四條。繡鸞鳳各一。圓盤四角連輅座板。用攀頂黃線圓緣四

條并硃漆木魚

輅亭前後各有左右轉角闌干二扇內嵌絳
環板皆硃紅漆四扇計一十二柱各柱首雕
木紅蓮花一用線金青綠粧蓮花抱柱

踏梯一硃紅漆以抹金銅釵花葉片裝釘

行馬架三硃紅漆用抹金銅葉片裝釘鐵搭
鈎全

黃絹幘衣即遮塵油絹雨衣并氈衣各一座
硃紅油合扇梯一副硃紅油托叉一件

安車一乘高九尺七寸六分

車上平盤板前後車樞并鴈翅板下轆二條
皆硃紅漆轆各長一丈六尺七寸六分用抹
金銅鳳頭鳳尾鳳翎葉片裝釘前施硃紅油
馬搭攀皮一條平盤左右垂護泥板及車輪
二貫軸一每輪輻十有八條皆硃紅漆周圍
輞全車轂各一軸首左右各用紅漆鐵插拴
一箇軸中纏黃絨駕轆等索

車亭高四尺四寸硃紅漆方柱四長同其上
四圍裝五彩花板十二片門高三尺七寸六
分闊二尺二寸六分左右門闊同前并左右

各硃紅漆上明下暗十字榻二扇。後三山屏風。屏後壁板俱硃紅漆。用抹金銅釵花葉片裝釘。亭底硃紅漆板上施紅花毯。紅錦褥。周圍施黃綺幃幔。或用黃線亭外用青綺緣邊硃紅簾四扇。各用拽簾黃線圓縹二條。黃銅圈全。

車蓋用硃紅漆。高二尺六分。抹金銅寶珠頂。帶蓮座高六寸。四角抹金銅鳳頭。用攀絲四條。并紅漆木魚。蓋下施黃瀝水三層。銷金鸞鳳文。鳳頭下垂紅粉綯。

踏梯一。硃紅漆。以抹金銅級花葉片裝釘。
行馬架一。硃紅漆。用抹金銅葉片裝釘。鐵搭
鈎全。

黃絹幪衣。即遮塵。油絹雨衣并氈衣各一座。

太皇太后鹵簿

皇太后鹵簿

俱同

樂器制度

大樂制度

麾一。硃紅漆木竿。長一丈一尺。飾以貼金銅龍
頭。鐵鈎長一尺七寸。下垂黃綺。麾帶長一丈。

兩面繪青龍并雲文。一升一降。上下有彩繪雲板。抹金銅釘鉸全。

戲竹一對。紅漆竹。長六尺。貼金木龍頭。長七寸。口銜紅竹絲。二十四莖。各長四尺五寸。上有綵線。紛錯。

簫十二管。以紫竹為之。長一尺九寸。六孔。間纏以絃線。裏以錫箔。無底。直吹之。

笙十二攢。用紫竹十七管。下施銅簧。參差攢于黑漆木匏中。有紫頂。亦黑漆。上垂綵線。紛錯。龍笛十二管。以竹為之。兩末牙管。長一尺七

寸五分。一孔在前。其後七孔。貼金木龍頭垂
綵線。紛錯。

頭管十二管。以烏木為之。長六寸八分。九孔。前
七。後二。兩末。以牙管束。以蘆為梢。

方響四架。每架用鐵方響十六。厚薄不等。應六
律。六呂。四清聲。以鐵條四。裹以黃氈。橫寘架
內。貫而列之。為二層。每層方響八。承以硃紅
漆木架。左右二柱。并上下匡。俱戩金花文。架
高五尺。闊二尺二寸。上用雕木五彩花板一。
其上雕木貼金龍一。間以五彩。架上貼金火。

鼓寶珠一。左右兩如意雲。上施貼金二龍頭。口銜紅綵幘。其下雕飾五彩線金芝草文。簾八架。每架用楸木為質。長三尺九寸。中虛。四周烏木邊。上施九絃并柱子九。面繪金龍并綵雲文。簾尾垂綵線幘。承以硃紅漆架。四角貼金綵色龍頭。四各垂綵線幘。

琵琶八把。用鐵力木為質。梓木面板。鳳眼二。是頭并項。通長三尺五分。闊一尺二寸五分。是頭并項。一軸子四。扶手山口各一。皆用烏木。四絃。背有烏木椿楸二。上施抹金銅環。并鈎。

搭負以綠絨匾條。匙頭上施綵線枹鍔一。大小斑竹品十二。烏木撥一。用牙嵌。迎引面板施描金盤龍文。朝賀用素。

笙篴八把。用梓木為身。闊五寸。厚六寸。直長四尺八寸。并柄上雕龍頭。中嵌花板。雕盤龍一。俱沉香色描金。附以烏木引條。繫二十絃。下橫施引首。并描金沉香色龍頭。通長二尺二寸五分。上施烏木軸子二十。中有柱手。用烏木製成竹節。兩末雕龍頭。描金長一尺二寸五分。兩龍頭下。各垂綵線枹鍔。

杖鼓三十六箇。每箇二面。其下鐵圈口二。一面
冒以犢皮。徑一尺二寸五分。一面冒以山羊
皮。徑一尺三寸。冒縫用紅皮掩錢。細腰木唐
廣一尺七寸九分。黑漆戩金枝葉寶相花文。
以紅絨綆一條。聯絡抹金銅龍頭鈎于十六
箇。各有襯鈎。紅皮硃紅生革。描金龍束子八
箇。懸以綠絨匾條。用抹金銅龍頭搭鈎二箇。
并鈎圈。

鼓衣。以紅綺一幅。長三尺五寸。織青龍并五綵
雲文。周圍黃絨。織香草文。

看杖。硃紅漆竹片。帶雕木貼金龍頭。垂紅綠結子。打杖。以硃紅漆竹片為之。

板四串。用鐵力木六片。長一尺一寸。上闊一寸九分。下闊二寸五分。聯以青絲線。垂綵線。紛錯。

大鼓二面。以木為棧。高三尺。冒以革。面徑四尺。周圍抹金銅釘。面施粉繪荷葉四。中蓮花一。棧加紅油繪寶相花。貼金銅環鈸四。迎引。紅漆木扛。黃絨纒舉之。朝會用硃紅漆木架。上施獅子四。

鼓衣一。用紅綺織綠色雲龍邊縷絡文。瀝水織

瑞草文

中和韶樂制度

麾一。用硃紅漆竿。高一丈一尺。飾以抹金銅龍頭鐵鈎。一尺七寸。綴紅羅織金龍文并絲雲一面升。一面降。上下有花板。上繪雲字。繪山水

祝一。以木為之。狀如斛。面方二尺。深一尺七寸。有足四面。繪山冰樹木。後面有孔一。椎柄曰止。

敵一。以木為之。狀如伏虎背。刻二十十齟齬。長二尺五寸。有座。以紅漆竹櫟之。其半折為二。十四莖名為籥。

搏拊二。其形如鼓。長一尺四寸。冒以革。二面粉飾。繪彩鳳文。硃紅漆木。匡繪綵雲文。銅釘環。貫以黃絨綆。

琴十張。用桐木面。梓木底。長三尺六寸六分。黑漆身。臨嶽焦尾。以鐵力木為之。有闊六寸。尾闊四寸。七絃俱帶軫。其面有徽十三。底有鴈足。護軫各二。用硃紅漆几承之。

瑟四張。用梓木為質。長七尺。首廣一尺三寸五分。尾廣一尺一寸。黑漆邊。體以粉為質。繪雲文。首尾繪以錦文。二十五絃。各有柱。皆朱絃。內一絃黃。實於紅漆架。

簫十二管。以竹為之。長一尺八寸。間纏以絃線。有六孔。前五後一。

笙十二攢。用紫竹十七管。下施銅簧。參差攢于黑漆木匏中。有簫項。亦黑漆。

笛十二管。以細竹為之。紅漆。長一尺五寸。前下孔。次六孔。傍二孔。

塤四箇。以土為簣形。如秤錘。平底。中虛。上銳。孔六。上一。前三後二。黑漆。戲金雲文。

箎四管。用大竹為之。長尺有五寸。間纏銅絲三道。紅漆面。吹竅一。六孔。前一。後四。頭一。近頭又二小孔。

排簫四架。每架高一尺五分。廣一尺一寸五分。用竹十六管。其下參差列於硃紅漆木匾架。二面俱戲金鳳文。

編鐘二架。鐘以銅為之。十六枚。應十二律。四清聲。設于硃紅漆筓虞筓橫虞上。飾以鱗屬為

貼金木龍頭二。各垂流蘇五。并帔鍔。即周之
璧。要遺制。鐘虡則植二柱以設筍。飾以羸屬
為二獅子於趺上。筍之上。有業。有崇牙。大板
謂之業。刻為山形。若鋸齒捷業然。其上大板
繪雲文。崇牙以懸鐘。筍上列植羽。為木雕彩
鸞五。

編磬二架。磬以石為之。十六枚。應律如鐘。筍飾
以羽屬。為貼金木鳳頭二。虡亦飾以羽屬。若
鵝狀。二於其趺。餘並如編鐘。筍虡制
應鼓二。以木為。其冒以革。鍍金銅釘環。橫寘于

青綠重斗上。貫以硃紅漆柱。下四足飾以羸
屬。刻獅子四於其趺。上施四角黃綿布蒙蓋。
周圍垂瀝水。抹金銅蓮花座。其上施彩鳳一。
四角貼金木龍頭。下垂綵線流蘇五。各垂紅
線帔。錯繫以紅漆槌。

大明會典卷之一百八十三